

տած ուսուցիչնով խօսում ու շատ դրամ ստացող ընկերների շուրջը, փետտուած աքլորի նման դառնում :

Անցողիկներին յառում են վերից վար : Մատով ցոյց ապլիս, խօսում : «Սպասի՛ր, շան որդի, քեզի ցոյց կը տանք»... :

Շան որդին թուլացած սիրտը դարնում է մայթի դուրս ընկած քարերին, եւ բարեկերութամանակ դիտարկը ձեռքի մէջ դողում է : Իր կեանքի անցեալը՝ աննշան դէպքերի այդ աքլորը շարանը՝ սպառնացող սատանայի նման աչքեր է ուրում : Տասն եւ հինգ տարի առաջ ասուած մի խօսքը («Կեցցէ՛ Խրիմեան Հայրիկը... Ես առաջարկում են խմել նրանց կենացը, որոնք, ձմեռուան այս ցրտին, հայրենիքի ազատութեան համար, սարերի կատարին») տասն եւ հինգ տարի առաջ ասուած մի խօսքը՝ կատաղած շունի նման յետեւից վազում է, սրբունքը խածնում, տարատը պատում, սպառնում, սպառնում... Աչքերը մթնում են, ծունկերը ծալում, ոտքերը անդունդ դնում :

Յետեւից նայում են, ծիծաղում : Ու նա զգում է այդ ծիծաղը, գլուխը կախում է ու վազում :

Գիտակցութեան լուսանկարչական սեւ սենեակի մէջ տեսարանները, անցողիկները, վերջիչումները՝ շրջում՝ խաչածեւ լոյսերի հետ ներս են խոսում : Մթնած ապակիի վրայ գորշ ստուերներ են նստում, ազօտ լոյսերը սրածայր ձեւեր են առնում եւ ուղեղի մէջ քիմիական մի բաղադրութիւն խայթում է եւ սողոսկում :

Խայթում է եւ սողոսկում :

Լեռ ու դաշտ թառել են սառուցի վրայ :

Փողոցը մեռած ալիքի նման իր լուծութիւնը վեր է ցցում :

Տները մխում են :

* * *

Ամենօրեայ լինելիութեան այս աղքատ քերականութեան մէջ բայերը վեր են հանել իրենց ոսկրուտ մատերը, եւ մթնոլորտի դատարկ սողորակում անականները վխտում են փոքրիկ թերի նման :

Ահագին, աստեղազիտական մի ոտք կոխել է ամբողջ իր ծանրութեամբ փողոցի մըջինային երեթեակութեան վրայ՝ տրորում է :

Նախնական եւ միալար հողիները գոյութիւնը տապալում է մեռած բառերի տակ՝ դեռ քիչ շարժուող դիակի պէս :

Ամէն սրտի մէջ մի մենախօսութիւն կայ : Միտքը ծամածուծութիւններ է անում :

Հոգեպէս պարզուած քաղաքում ուրուականներ են անցնում :

Մինակութիւնը՝ ճանճրոյթից կուրացած, անթափանցելի, մեզմ խնթութեան բոլոր նըշաններով՝ ման է գալիս ամայութեան դերեզմանաքարերի շուրջը եւ մարած աչքերով յառում է մզլտ մի էջի վրայ անիմաստ իմաստութիւն որոնելու համար :

— Երեւակայի, ի՞նչ դէպքեր են պատահում կեանքում... Մի օր Բագուի կլուբում երկու հազար ուրլի՝ ցարական ուրլի կար բանկայում, ձեռքիս ֆուլ ունեմ... Արեքսանդր Իվանիչը ասում է երեք հազար, ես ասում եմ չորս հազար. այնտեղից Միխայիլ Մարկոսիչը ասում է հինգ, մէկը հանում է կառէ, միւսը կուլեռ... :

— Ձեր գտումը ե՞րբ ա... :

— Ձտո՞ւմ... մէկը կառէ, միւսը կուլեռ :

— Երէկ սենեակից ինձ դուրս հանեցին : Ես ամիսը տասը ուրլի ոսկով ո՞րտեղից վըճարեմ :

— Ձեր գտումը ե՞րբ ա... :

— Ձտո՞ւմ... Իշխան ձուկի ֆունտը անցեալ օր 84 կոպէկ էր, այսօր ասում են 80 է :

— Ձարեա՛ն, քսան կոպէկ ունե՞ս :

— Ո՞րտեղից :

— Ձեր համալսարանի հնազիտական դասախօսի կինը ծնել ա, դեղի պէտք ունի... :

* * *

Կոնգի կողմից պաղ մի ցուրտ է փչում : Մաշուած վերարկուները կոճկում են :

Միապաղաղ, մեքենական այդ մեռածութեան տակ բոլոր մզանակները փշուրել են : Փոշոտ ճանապարհների եզրին բուսնող խոտերի նման մարդիկ անյաղ ծարաւ են զգում : Կամքերի փոսած կոճղը վայր է ընկնում եւ թափած հողի ձայն հանում :

Ձանճրոյթ, մինակութիւն, բթացում, կենցաղի անողորմ շղթայում :

Այդ անապատը լեցրել է մանաւանդ նըրանց, որոնք մեծ երազ են ծախում :